

- cesco di Candia per poter reparar il suo convento che in parte ruina, per il terremoto fo del 1518, poter trazer di questa terra senza dazio travi et tavole per ducati 45 in zercha. Fo balotà do volte; la prima ave: 133, 10, 6; la seconda 138, 6, 10. Et fu presa.

- Fu posto, per li ditti, desiderando la comunità di Pago di haver uno episcopo de li per haver fortificà la terra et provisto per il viver di lo episcopo de intrada a l'anno ducati 200, et fu preso 1505 adì 20 Decembrio scriver in corte per sier Matio Mauro; qual non fo fato altro et lui non cura: perhò voleno si scrivi al presente per domino Zuan Caphio gentilhommo et canonico di Pago. Per tanto sia preso di scriver a l'Orator nostro, *quam primum* si habbi opportunità di questo, *ut in parte*.

Fu presa. 104, 27, 4.

- 163 Fu posto, per sier Domenego Trivixan cavalier procurator, sier Leonardo Mocenigo procurator, sier Francesco Bragadin, sier Andrea Trivixan el cavalier, sier Nicolò Bernardo, sier Hironimo da chà da Pexaro savii del Conseio, sier Valerio Marzello, sier Gabriel Moro el cavalier, sier Francesco Morexini, sier Filippo Trun, sier Marco Antonio Grimani savii a terra ferma, una parte di questo tenor:

È grandemente necessario ne li presenti tempi di tanto bisogno del dinaro, haver persona di autorità et di bona intelligentia a la cura, provision et recuperation di quello, però:

- L'anderà parte, che *de praesenti* per scurtinio di questo Conseio elezer si debbi uno honorevol gentilhommo nostro di auctorità, exceptuando quelli di Colegio, qual habia il cargo di proveder, trovar et recuperar danari così da debitori come per altra via, *etiam* in questa città come nelle altre nostre de fuori, *ac etiam* de far sollicitar la exation a li officii da li debitori de la Signoria Nostra, far vender de li soi beni, et ogni altra operatione et provisione in simel materia, con tutte le auctorità che per li ordini, et decreti nostri sono statuiti et deliberati. Debba venir nel Collegio nostro et metter in questo Conseio quelle parte li pareranno a proposito et necessarie a la provision et recuperation del dinaro; et star debbi in ditto officio fin a San Michiel proximo. Non possa refudar sotto tutte le pene contenute ne la parte ultimamente presa nel nostro Mazor Conseio contra li refudanti, nè se possa excusar per altro officio o Conseio nel qual fusse, nel qual *etiam* debbi continuar. Fu presa. Ave: 134, 16, 0. Et fu posta *signanter* per far sier Leonardo

Emo el Cao di X; et fu tolto il scurtinio con boletini.

154. *Provedador sora la recuperation di danari, iusta la parte mò presa.*

† 2 Sier Lunardo Emo fo Savio del	
Conseio, qu. sier Zuan el cavalier	130. 24
3 Sier Francesco Donado el cavalier,	
fo Savio del Conseio	58. 93
1 Sier Francesco Contarini fo Savio a	
terraferma, qu. sier Zacharia el	
cavalier	50. 99
non Sier Hironimo da chà da Pexaro Sa-	
vio del Conseio, qu. sier Beneto	
procurator.	
non Sier Hironimo Justinian, procurator,	
fo Savio del Conseio.	
non Sier Jacomo Soranzo procurator.	

Et rimasto sier Lunardo Emo, dal Serenissimo voleva refudar, *tamen* la matina introe in ditto officio, et restò Cao di X.

Scurtinio di Proveditor zeneral in campo, in luogo di sier Domenego Contarini, con ducati 120. 163*

† Sier Tomà Moro fo capitano a Verona,	
qu. sier Alvise	81. 77
Sier Valerio Marzello Savio a terra	
ferma, qu. sier Jacomo Antonio el	
cavalier	29.124
Sier Carlo Contarini fo Savio a terra	
ferma, di sier Panfilo	36.121
Sier Polo Capello el cavalier procu-	
rator, Savio del Conseio	38.116
Sier Andrea Trivixan el cavalier, el Sa-	
vio del Conseio, qu. sier Tomà	
procurator	56.100
Sier Marco Grimani el procurator,	
qu. sier Hironimo, qu. Serenis-	
simo	66. 93
Sier Polo Nani fo podestà a Verona,	
qu. sier Zorzi	61.100
Sier Lunardo Emo fo Savio del Con-	
seio, qu. sier Zuanne el cavalier . .	48.111

El qual sier Tomà Moro, chiamato dal Serenissimo, subito acceptoe.